



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԴԱՐԱԴԱՏՈՒԹՅԱՆ
ՆԱԽԱՐԱՐՈՒԹՅՈՒՆԳԼԽԱՎՈՐ ՔԱՐՏՈՒՂԱՐ**

0010 Երևան Վ. Սարգսյան 3/8, հեռ. 594015

Էլ. փոստ՝ sirvard.gevorgyan@justice.am

**№ /30,3/33258-2024
«21» օգոստոսի 2024թ.**

Այսպես, Օրենքի 29.2-րդ հոդվածի 1-ին մասի 8-րդ կետի համաձայն՝ Հայաստանի Հանրապետության արդարադատության նախարարը դադարեցնում է կառավարչի որակավորումը, եթե վերջին մեկ տարվա ընթացքում կառավարիչ ընտրվելու դեպքում առնվազն երեք անգամ սույն օրենքով չնախատեսված հիմքով հրաժարվել է իր պարտականությունները կատարելուց:

«Նորմատիվ իրավական ակտերի մասին» օրենքի 31-րդ հոդվածի համաձայն՝

«1. Նորմատիվ իրավական ակտերով սահմանված ժամկետները հաշվարկվում են տարիներով, ամիսներով, օրերով և ժամերով:

2. Տարիներով, ամիսներով կամ օրերով հաշվարկվող ժամկետների ընթացքն սկսվում է այն օրացուցային տարվա, ամսվա, ամսաթվի կամ վրա հասած իրադարձությանը հաջորդ օրվանից, որով որոշված է դրա ժամկետի սկիզբը:

3. Տարիներով հաշվարկվող ժամկետը լրանում է ժամկետի վերջին տարվա համապատասխան ամսին և ամսաթվին: (...) :»:

Այսպիսով, վերը նշված կարգավորումների վերլուծությունը թույլ է տալիս արձանագրել, որ Օրենքի 29.2-րդ հոդվածի 1-ին մասի 8-րդ կետով նախատեսված ժամկետի սկիզբ պետք է ընդունել առաջին անգամ (տվյալ օրացույցային տարվա ընթացքում) օրենքով չնախատեսված հիմքով իր պարտականությունները կատարելուց հրաժարվելու պահը, որից սկսած մեկ օրացույցային տարվա ընթացքում ևս երկու անգամ նույն հիմքով իր պարտականությունները կատարելուց հրաժարվելու դեպքում վրա է հասնում Օրենքով նախատեսված բացասական հետևանքը: Այսպես, որպես օրինակ, եթե կառավարիչը վերը նշված հիմքով իր պարտականությունները կատարելուց հրաժարվում է 21.08.2024 թվականին, այնուհետև մինչև 21.08.2025 թվականը ևս երկու անգամ նույն հիմքով հրաժարվում է իր պարտականությունները կատարելուց, ապա Օրենքի 29.2-րդ հոդվածի 1-ին մասի 8-րդ կետի հիման վրա Արդարադատության նախարարը դադարեցնում է կառավարչի որակավորումը: Ավելին, նույն սկզբունքով ժամկետի հաշվարկը կարելի է սկսել վերջին անգամ օրենքով չնախատեսված հիմքով իր պարտականությունները կատարելուց հրաժարվելու պահից (օրինակ, եթե կառավարիչը վերը նշված հիմքով իր պարտականությունները կատարելուց հրաժարվում է 21.08.2024 թվականին, և դրան նախորդող 1 օրացույցային տարվա ընթացքում՝ մինչև 21.08.2023 թվականը, ևս երկու անգամ նույն հիմքով հրաժարվել է իր պարտականությունները կատարելուց):

Ողջ վերոգրյալի հաշվառմամբ՝ գտնում ենք, որ Օրենքի 29.2-րդ հոդվածի 1-ին մասի 8-րդ կետի կարգավորումը բավարար հստակ է և տարընկալումների տեղիք չի տալիս:

ՀԱՐԳԱՆՔՈՎ՝

 Invalid signature

X 

ՍԻՐՎԱՐԴ ԳԵՎՈՐԳՅԱՆ

Signed by: GEVORGYAN SIRVARD 6804830105

ՍԻՐՎԱՐԴ ԳԵՎՈՐԳՅԱՆ

Կատարող՝ Ռոմիկ Հայրապետյան
«Օրենսդրության զարգացման կենտրոն»

հիմնադրամի ավագ իրավաբան-փորձագետ
Հեռ.՝ 010 594 105